

## Nala, 7j.



### suechet es nöiis Daheime i reiner Wohnigshautig

Liebi Tierfründe

Lueget einisch, ig bi parat. Wozue? Na zum Züggle. Ig sueche nämlech es nöiis Daheime, nur für mi ganz allei. Warum? Bi üs daheime passt mir's grad gar nüm: Schträss mit'm Bébé, das muess duurend überau ummechrabble. Schträss mit mim dominante Chatrgschpändli. U denn schtaht da im Juli ou no d'Züglete i e nöii Wohnig a. Letschteres wär ja nid so schlimm, nur: s'Bébé u dr Chatr wärde mit züggle! Nei, merci, denn züggle ig liebr allei. Drum!

Ig bi d'Nala, 7jährig, kaschtriert, gimpft (grundimmunisiert), schtuberein, lieb, samft, ahänglech u verschmuest. Ig mag's ruhig u entspannt (u entspann ou gärn i Dim Bettli). Abr ig bi afangs ou ziemlech schüech u ängschtlech u bruuche viu Ziit zum Aacho. Abr mit Geduud wird das öppis, verschproche, ig bi ja gliichziitig ou nöigiirig. Leidr bin ig nid ganz gsung, ig ha's mit di Ouge, e Chatarakt, drum seh ig nid so guet, isch abr nid schlimm für mi, ig bi ja dinne u chenne mi us. Nur bruuch ig täglech mini Ougetröpfli, das chasch Du mir ou gäh, da mach ig scho mit. U e jährlechi Kontrolle bim Doc, das bruuch ig ou. Abr das isch ou scho aues, sunsch bin ig fit u muntr.

Ig wünsche mir ganz es ruhigs Daheime bi liebi Mönsche, die mir aui Ziit der Wäut ga zum Aacho, die wo Erfahrig u Geduud mitbringe u mi eifach i mim Tempo la d'Wohnig erchunde. Genau, Wohnig mit breits gsicheretem Baukon, das reicht mir vouchomme, ig troue mi nid i Freigang. Ching u angeri Huustier bruuche u wott ig dagäge nid, nur Dig, min Mönsch, Dig bruuche ig! Bisch Du villiicht grad pensioniert odr sunsch ganz viu daheime? E Homeofficeler? U hasch Du e ruhige Huushaut u en gsicherete Baukon odr e gsicherete Terrasse? U suechsch Du es liebs Büsi zum Verwöhne? Das wär's! Denn müeset mir üs unbedingt lehre chenne. Derziit wohne ig z'Kilchberg/ZH, ig züüggle abr gärn zu Dir, wo au immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi uf Di, bi würtlech e ganz e Liebi, Pfote druf!

Dini Nala



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch